



**LAPORAN LIPUTAN MEDIA HARIAN
ISNIN 26 APRIL 2021**

BIL	TAJUK KERATAN AKHBAR	KEMENTERIAN / JABATAN / AGENSI
1.	PASTIKAN VARIATI PADI SEBELUM BUAT TEMPAHAN, HM -ONLINE	PERTUBUHAN PELADANG KAWASAN (PPK)
2.	AKTIFKAN SEMULA MKMF BANTU EKONOMI LUAR BANDAR, SH -ONLINE	LAIN-LAIN

UKKMAFI

UNIT KOMUNIKASI KORPORAT
KEMENTERIAN PERTANIAN DAN INDUSTRI MAKANAN
(UNTUK EDARAN DALAMAN MAFI, JABATAN DAN AGENSI SAHAJA)

TARIKH	MEDIA	RUANGAN	MUKA SURAT
26/4/2021	HARIAN METRO	ONLINE	

Pastikan variati padi sebelum buat tempahan



RAZMAN Zakaria dalam majlis penyampaian sumbangan makanan di Semanggol hari ini. FOTO Shaiful Shahrin Ahmad Pauzi

Bagan Serai: Pesawah di Perak perlu memastikan jenis padi atau variati yang benar-benar dimahukan sebelum membuat tempahan pada Pertubuhan Peladang Kawasan (PPK) bagi mengelakkan sebarang masalah berlaku.

Pengerusi Jawatankuasa Pertanian, Perladangan dan Industri Makanan, Razman Zakaria berkata sehingga kini Perak tidak mengalami sebarang masalah bekalan benih padi seperti yang berlaku di Perlis dan Kedah.

Menurutnya, setakat ini bekalan benih padi di Perak masih mencukupi dan hanya mengalami masalah pada peringkat awal sahaja.

"Pada peringkat awal di Perak mengalami masalah sama seperti yang berlaku di dua negeri utara iaitu kekurangan variati MR 297 namun berjaya di selesaikan dengan segera.

"Sebenarnya masalah benih padi yang berlaku bukanlah berpunca daripada kegagalan pembekal menyediakan benih mencukupi namun disebabkan permintaan pesawah yang mahukan variati berbeza daripada apa yang mereka pesan sebelum memulakan musim penanaman padi," katanya ditemui media selepas majlis Penyampaian Sumbangan Makanan kepada asnaf di Markas PAS Kubu Gajah, Semanggol, di sini, hari ini.

Razman menasihatkan pesawah supaya tidak sewenang-wenangnya menukarkan benih padi yang dipesan pada saat-saat akhir kerana ia boleh menimbulkan pelbagai masalah.

"Pembekal sebenarnya sudah menyediakan jenis atau variati yang dimahukan namun tindakan pesawah yang mahukan benih padi berbeza ketika hendak memulakan musim penanaman, ia akan menimbulkan masalah lain dan memberi kesan kepada kerajaan kononnya kerajaan tidak peka dengan masalah yang dihadapi.

"Nak buat benih ini bukannya boleh 'on the spot' macam buat roti, sebaliknya memerlukan beberapa bulan atau semusim padi untuk menghasilkan variati yang dimahukan.

"Justeru pesawah perlu memastikan betul-betul jenis atau variati yang dimahukan sebelum membuat tempahan di Pertubuhan Peladang Kawasan (PPK)," katanya.

TARIKH	MEDIA	RUANGAN	MUKA SURAT
26/4/2021	SINAR HARIAN	ONLINE	

Aktifkan semula MKMF bantu ekonomi luar bandar



Nordin (dua dari kiri) menyempurnakan pelancaran ringkas Sambutan Ulang Tahun ke-8 Program My Kampung My Future di Premis Dodol Opah Yang, Kampung Empai, Kampung Gajah di Pasir Salak pada Ahad.

PASIR SALAK - Kerajaan menerusi Kementerian Pertanian dan Industri Makanan (MAFI) digesa mengaktifkan semula program My Kampung My Future (MKMF) yang diperkenalkan pada tahun 2013 untuk meningkat ekonomi luar bandar.

Pengerusi Persatuan Pembangunan Komuniti Daerah Perak Tengah, Nordin Abdul Malek berkata, program tersebut telah membuktikan keupayaan menggerakkan ekonomi komuniti khususnya di luar bandar seperti di Mukim Pulau Tiga, Kampung Gajah di sini sehingga kini.

Sejak dilaksanakan, katanya, pelbagai aktiviti pembangunan sosioekonomi diwujudkan seperti penternakan lembu, ternakan ikan sangkar, tanaman makanan, agropelancongan dan industri kraftangan serta merencanakan industri pelancongan.

"Ini semua membantu membangunkan Mukim Pulau Tiga ini dan memberi peluang terutama kepada generasi muda untuk mengikuti aktiviti ekonomi sejak tahun 2013. Namun sejak tahun 2016, program ini semakin perlahan dan terus senyap selepas Pakatan Harapan (PH) mengambil alih pentadbiran pada tahun 2018.

"Kita sangat berharap kerajaan meneruskan aktiviti ini kerana telah terbukti mencapai kejayaan. Malah kita turut menerima kunjungan dari negeri lain termasuk kunjungan negara luar seperti Thailand, Indonesia dan Vietnam untuk mereka belajar serta menggunakan pakai model MKMF ini," katanya kepada pemberita selepas Majlis Perasmian Ringkas Sambutan Ulang Tahun ke-8 Program My Kampung My Future di Premis Dodol Opah Yang, Kampung Empai, Kampung Gajah di sini pada Ahad.

Beliau berkata, setakat ini sebanyak enam persatuan belia, koperasi dan komuniti di daerah Bagan Serai, Bagan Datuk, Muallim, Batang Padang, Kuala Kangsar dan Kinta yang meminta program seumpama itu dilaksanakan di daerah mereka setelah melihat sendiri kejayaan pelaksanaan.

Menurutnya, melihat kepada pasca Covid-19, ramai anak muda kembali dan berhasrat untuk tinggal di kampung bagi kehidupan lebih selesa serta berada dalam suasana ekonomi lebih baik.

Sementara itu, seorang peserta program MKMF, Normi Ramli, 49, berkata, sejak menyertainya pada tahun 2013, jualan dodol yang diusahakan sejak turun temurun terus meningkat.

Menurutnya, bermula dengan jualan tidak sampai RM1,000, kini jualan dodol diusahakan melonjak sehingga RM50,000 sebulan dengan tempahan dari seluruh negara.

"Saya harap MKMF ini digerakkan semula kerana ia terbukti berjaya membantu usahawan industri kecil dan sederhana (IKS) meningkatkan keupayaan serta hasil mereka.